



**R.P. Valerii Reginaldi Bvrgvndi Seqvani E Societ: Iesv,  
Praxis Fori Poenitentialis**

Ad Directionem Confessarii, In Vsv Sacri sui muneris ...

**Regnault, Valère**

**Mogvntiæ, 1617**

Cap. 5. De beneficiorum obligatione residendi,

---

[urn:nbn:de:hbz:466:1-78332](#)

citas repete iam transacto die: quia nimur talis obligatio onus est dici: sicut & obligatio ieiunij Ecclesiastici. Alterum est: ex eo solo, qd quis inquinatus peccato mortali horas canonicas recitet, ipsam non teneri ad restitutionem fructuum: quia in illo statu impletum Ecclesiasticum secundum substantiam operis, si in regre, & cum debita attentione reciteret: sicut & is qui una refectione in die contentus est, nec cibis ventis vtitur, impletum praeceptum ieiunij (quantumvis peccato mortali inquinatus) neque illius transgressione novo peccato se contaminat. Acceptatur autem a Deo taliis recitationibus ob devotionem Ecclesie, cuius illi qui recitant, sunt ministri: sicut & acceptatur instrumentorum musicorum symphonia, qua in diuinis officiis Ecclesia ipsa vtrit.

48. His autem premonitis statuit memoratus author contra Sotum, & Cordubensem, quod voluntarie recitans sine attentione (vt accedit ei, qui cōfubatur, pecunias numerat, scribit, aliaque aliena misericordia cum recitatione) sicut non impletum Ecclesiasticum praeceptum de recitatione officij, studiose pariter, & deuote exequenda, ex cap. Dolentes, De celebratione Missarum: ita nec lucrari fructus qui ab Ecclesia assignati sunt in stipendium, si quis tale praeceptum implerent. Quod enim punitur per illorum priuationem, est eiusdem praecepti transgressio, à qua beneficiarij vita futura immores, notabantur non reuocari per pœnam peccati mortalis, sub qua tale praeceptum impositum est, vt paulo superiori notauimus. Eamdem sententiam sequitur. Suarez De relig. tomo 2. lib. 4 cap. 30 num. 14.

Nota vero quod Petrus a Nauar. num. 234. addit, & multis consolationem adferre potest: si quis memoria teneat omnia recitanda, ipsum atque certe praeceptor recitanti, quantumcumque ad verba non attendat, dummodo exterius attentionem adhibeat, recolle & suscit, ac compositionem, & modestiam orantis seruer: quia non exponit se periculo non pronunciandi: adeo vt is qui more solito dicit Primam, aut alias horam memoriter: si in fine vnius, aut alterius Psalmi aduertat se debite recitare, credendum sit à mortali excusari, necad restitutionem teneri; cum quod cetera, saltem sit verosimile, ipsum recte omnia pronunciasse. Quod superest videatur documentum, quæ sint causa ob quas possit quis censeri à tali restitutione excusat, uno verbo expeditur dicendo eas esse ob quas à mortali excusat. Eas persequuntur summis us in precedentibus lib. 18. cap. 13. post Nauarum in Enchir. cap. 25. numero 100. & 101. & in tract. de oratione, cap. 11.

## C A P V T V.

### De beneficiati obligatione residenti.

#### S U M M A R I V M.

49. Que beneficia residentiam requirant ex obligatione.
50. Que non requirant.
51. Quid sit tenendum in hac re quo ad beneficia tenuia.
52. De iure quo imposita est proprieta obligatio.
53. Cum beneficio habere curam animarum ne quidem papote in tali obligatione dispensare sine iusta causa.
54. Aliquot tali sc. cause.
55. Licet a beneficiatu curam animarum habentibus concessa a Concil. Trident.
56. Legitime excusat à residendo facere potest fructus suos.
57. Obligatio dispensatio in hac re: & quis possit in ea dispensare.
58. Ponit restoratione, quæ panitur transgressio proposita obligationis.
59. Ea non imponitur incurrienda ipso facto: & quartus ante condemnationem possit quis vii si uictibus quorum priuatione punitur.
60. Expl. difficultatum, An ad talem ponam vitandam, sufficiente residere, Ecclesiasticum ministerium per substitutum exercendo.

**O**bligatio residenti in propriis Ecclesiis, id est seruendi per seipsum in Ecclesia in qua habetur beneficium, in quo personaliter faciendo officium, propter quod datur beneficium: colligitur ex toto titulo de Clericis non residenti-

bus. Agentes de ea re authores (quibus adde Nauar. in Enchir. cap. 25. nu. 121.) refert Azor 2. p. rite Moral. infra lib. 7. sub initium cap. tertij, in quo & tribus sequentibus, satiate eam persequitur.

Ceterum, certum est omne beneficium cum animarum cura sive in foro interiori tantum, vt parochiale; sive tantum in exteriori, vt Archidiaconatum, cui potestas gubernandi annexa est absque pastorali cura; sive in utroque simul, vt Episcopatum: & quodcumque aliud cui iurisdictione, & pastoralis cura est annexa. Certum inquit est residentiam requirere secundum commune ius canonicum, per cap. Adhæc, & cap. Extirpanda. Qui vero De præbendis, & cap. Quia nonnulli, De Clericis non residentibus, & ca. Licer. De lectione 6. Qui Canones innovantur in Concil. Trid. sess. 6. & sess. 23. utrobique cap. i. De reform.

Idem quoque dicendum est de beneficiis eorum qui habent Ecclesiasticam dignitatem, preposituramne institutam ad conferuandam, & augendam disciplinam Ecclesiasticam: qualia sunt Praepositorum, Decanorum, Thesaurariorum, Præcentorum, nonnullorumque aliorum. Pro que textus est in citato cap. Adhæc, cap. Ex parte vestra, cap. Inter quatuor, cap. Ex parte tua, De Clericis non residentibus, & in Concil. Trid. sess. 24. cap. 12. Dereformatione.

Idem adhuc dicendum est de canonicatu, Pro quo item faciunt cap. De cetero, ca. Tuz. cap. Cum dilectis. cap. Cum ad hoc De Clericis non residentibus, & cit. cap. 12. Concil. Trident. vbi idem habetur de præbenda, & portione: & in cit. cap. Cum ad hoc: vbi illam habentes vocantur assisi. Ad quod verbum glossa notat assisi, quasi assidui vocari beneficiatos, qui non sunt canonici, & seruire debet Ecclesia: nec vocantur ad communes tractatus cum canonici. Idem præterea dicendum est de vicariatu perpetuo Ecclesiastarum parochialium per cap. finale, De officio vicarii. Item deniq; de beneficiis habentium Episcopatus, Abbatias, vel Prioratus in commendam, vel administrationem perpetuam, etiam quoad spiritualia, quoniam habent idem omni s& obligationem, quam iij haberent, qui in titulum talia beneficia obtinenter.

De ceteris autem beneficiis non est ita certum. Nam est Doctores (quos satis magno numero Azor in eodem cap. tertio, versu Sed dubitatur, refert & sequitur) omnes residentiamne beneficium iure comuni residentiam requirent: quia ex cap. Quia nonnulli, c. Relatum, ca. Conquerente, De Clericis non residentibus, & cap. finali. De rescriptis in beneficium datur propter officium, quod quidem requirit presentiam personæ in loco in quo ipsum debet exerciri. Nihilominus inde nihil amplius videtur colligi de necessitate, quam quod beneficiarij in Ecclesiis constituantur ut seruant, officium in eis exercendo, non autem statu aperi, quod debeant personaliter seruire per seipso: sicut de Parochiis, ac alii prius memoratis particulariter statuit. Quidquid autem fit de iure communi, confit apud omnes dari quædam beneficia, simplicia ultra antememorata, ut capellania: quæ per cōsuetudinem receptum, nec tanquam illicitam reprobari solitam, libera sunt à residentia personali: excepto quod interdum aliqua eorum ex statuto speciali, vel fundatione illam requirant, non vero ab obligatione, officium quod eis annexum est, praestandi per alium.

Aduerte vero qd prædictum est de obligatione residenti, locum habere quantumcumque beneficium tenuit, prout Nauar. initio citatin. 121. expressit, post plures alios quos Azor commemorat, & sequitur in illo eodem ca. 3. quaf. 3. Ratio vero est: tum quod generaliter ius præcipiat beneficis commorari in sua Ecclesia: nihil distinguis, sicut pingue, an tenui beneficium: neque ob redditum tenuitatem, amittatur ratio beneficij. Tum etiam quod Clericus, cui beneficium tenuit, possit illud proprijs sponte respuerre: iudeoq; si illud accipiens, incommode aliquod tentiat; debet sibi imputare; perinde ac ille, qui modice dotatam vxorem voluit ducere, debet sibi imputare, quod in ea sustentanda grauetur. Inde perdicenda in sequenti numero 284. si habens beneficium tenuit, obtineat aliud residentiam requiriens, tenetur relinquere prius, aut dispensationem obtinere ad utrumque simul retinendum, seruendi

vni per seipsum, & alteri per substitutum: aut utriusque per seipsum, si iudicio Episcopi debite facere potest.

*Quo iure sit imposta residendi obligatio.*

**N**ota autem primo pro praxi, propositam residendi obligationem iure tantum Canonico imponit habentibus beneficia sine animarum cura: ceteris autem, iuive quibus ratione beneficii incumbit animarum cura, impositam esse tam diuino, quam Canonico iure, vt bene offendit Sotus Dei iust. & iure lib. 10. quest. 3. artic. 1. fecutus Caetanus, 2. 2. quest. 185. art. 5. ac nouissime (post vtrumque illum, atque Contrauriam in lib. 3. variar. re bl. cap. 13.) Azor in 2. parte moral. institut. lib. 7. cap. 4. Idemque bene notat Navarrus. in Enchir. cap. 25. num. 121. satis colligi ex his verbis Concilij Trident. sess. 23. cap. 1. De reformat. Cum precepto diuino mādatum sit omnibus, quibus animarum cura commissa est, oves suas agnoscere, pro his sacrificium offerre, verbiq[ue] diuini prædicatione, sacramentorum ad ministracionem, ac bonorum operum exemplo pascere pauperum, aliarumque misericordiæ pectorum curam paternam gerere, & in cetera mania pastoralia incumbere: quae omnia nequaquam ab iis præstari, & impleri possunt, qui gregi suo non intuigunt, neque assistunt, nec mercenariorum more deferunt, sacrosancta Synodus eos admonet, & horatur, vt diuinorum præceptorum memores, faciique forma gregis in iudicio, & veritate pascant & regant. Quibus verbis aperte indicatur, quod pastor animarum residere debet. Cum enim talia officia commode prætari nequeant, nisi ab eo qui personaliter resideat, necessario sequitur, quod pastor animarum debeat in suo beneficio residere. Perinde enim est in ea re, ac cum quis aliquius gregis instituitur pastor, aut natus, vel dominus gubernator, & custos cuiusmodi officii vi & natura sequitur, ut quisquis illud habet tanquam ei cuius cura, & industria ac diligentia electa est ad personale munus, personaliter residere debeat. Atque ita necessarium non fuit vt Christus institutus pallorum officium, expresse residentiam in iungeret: quia satis fuit, quod instituendo illud, residentiam, que illius naturam & conditionem sequitur, institueret implicite.

Nota secundo, quod inde quoque est consequens, ne Papam quidem posse validè cum animarum curam habente dispensare ad non residentium nisi iusta ad iste dispensandi causa. Neque enim vt sepe inculcavimus, inferior potest legem Superioris alter relaxare, quam iusta de causa. Itaque curatum beneficium habens, si absque iusta causa non residet, tutus non est in conscientia. Nam nec dispensationem pretendere potest ex iuri dictis: nec item confutudinem, quæ nulla potest valere cetera ius diuinum: maxime autem in re proposita, in qua Ecclesia, & animabus damnosa esset, & contraria naturali æquitati iustitia: quia quisque ex suscepito tali officio, tenetur ipsomet per se gerere curam omnium Christi. Quod satis significatum est a D. Petro in priori sua epistola cap. 5. illis verbis: Pascite qui in vobis (id est, inter vos) gregem Dei. Et patet à simili: quia miles institutus ut per se militet. Instituitur item natus gubernator, dominus ianitor, querendo personæ industriam, fidem, & diligentiam. Similiter gregis cultos, qui (iuxta Salomonis præceptum, Proverb. cap. 27. v. 23.) diligenter agnoscat vultum pecoris sui, suoque greges consideret. Ad quod impletum in cura pecorum, ut necessaria sit assistentia: multo magis erit ad impletum in regimine animarum.

*Causa dispensandi, & aliae in proposita obligatione.*

**P**orro causa dispensandi in obligatione de qua agimus iusta censebuntur, cum tanti momenti fuerint, ut cogant ad tempus beneficium abesse: cuiusmodi haec referuntur esse. Prima cum quis est absens pro negotiis religionis: vel illius Ecclesiæ, cuius pastoralem curam gerit, ca. Ex parte 2. De Clericis non residentibus.

Secunda, cum quis Theologiam audit durante quinquennio, c. fin. De magistris. Idemque iuris esse, cum quis per quinquennium audit ius Canonicum, ut ex Archidiaco- no, & Panorm. habet Navar. in Enchir. cap. 25. num. 121.

Valerij Par. III. Tom. 3.

Tertia, cum quis Theologiam publice prælegit ex eodem cap. finali. Idem etiam iuris esse cum quis prælegit ius Canonicum Navar. habet ibidem: vbi & addit tali excusatione locutum esse quamdiu talis prælectio durauerit. Quod etiam habet Sylvest. in verbo Residenzia, q. 7. ver. u. 3. Neque in hoc requiri licentiam Ordinarii idem ibidem notant, quoniam ius illam concedit.

Quarta est, studium literarum humaniorum, & Philosophia imprimata ad illud (nisi consuetudo vigeat in contrarium prout loco citato addit Navarirus) a proprio Episcopo licentia, cap. Relatum, cap. Tua, De Clericis non residentibus, & cap. 2. De privilegiis, in 6. Vbi aduertere ex Cōcil. Trident. sess. 23. c. 1. De refor. ad non residendum in beneficio curato, iustam causam abeundi debere esse cognita. Ordinario, ab ipso; probatam, & licentiam abeundi obtentam esse in scriptis: relicto cum debita mercede assignatione idoneo vicario, approbat ab eodem Ordinario. Vbi aduertere quoque obiter, quod Iesus habet, de iust. & iure, lib. 2. c. 3. p. 158. ob scripturam solemnitatem omnissimam, non reddi quoad forum conscientia licentiam irritam, sed tantum quoad externum requirens probationem, cum illud sit contentum simplici confessione Penitentis.

Quarta causa est, cum quis seruit suo Episcopo, De clericis non residentibus, cap. Ad audiencem, & ca. De cetero. Et ratio est, quia esse cum suo Episcopo, est esse in sua Ecclesia: cum Episcopus sit in Ecclesia, & Ecclesia in Episcopo, cap. Scire debet, 7. quest. 1. Intellige autem cum Angelo, Clericus, 7. num. 2., & Navarr. loco cit. si seruit in bonum Ecclesie viuens, vel Ecclesie Cathedralis, aut collegiata, cuius est canonicus: non autem si seruit principaliter ob propriam utilitatem, & lucrum, ut ad auxipandum aliquod beneficium, aut ad exercendum officium notarii, aliudve lucrosum. Addit tamen (quod Navar. ibidem & Selua De Beneficio, part. 4. quest. 6. Casu 17. & 24. habent ex Panorm. ad cap. Ad audiencem, De clericis non residentibus) Episcopum in suo personali obsequio, posse habere duos Canonicos ex quacumque iusta causa: plures autem non posse habere, nisi ex gravi, & urgente causa: atque Ecclesia non indigente eorum seruitio: ceteris nimis in Canonici ad illud sufficientibus. Quo modo haec ipsa causa extenditur ad beneficiatos qui seruant legato Papæ, aut aliqui Cardinali. Videri potest Azor in memorato lib. 7. cap. quarto, quest. 3.

Sexta causa est ex praecedenti deducenda, per rationem à maiori, & ex cap. Cum delictis, De Clericis non residentibus: cum quis seruit Papæ in ipsis, aut viuens Ecclesia bonum: non autem cum seruit ob solam suam utilitatem, & lucrum. De qua reagens Selua ibidem in casu 19. infert excusari Capellanos Papæ, & similes ei seruientes: non autem ceteros, nisi efficiat officiales moram trahentes in eiusdem Papæ curia præcepto ipsius, per quod censeretur cum eis dispensare, tanquam absentibus causa reipub. Christianæ.

Præter propositas vero causas Selua in eadem quest. 6. alias refert, ob quas potest quis per vicarium beneficium suo deferire. & à sua Ecclesia abesse, quas Concil. Trident. in cit. cap. 1. reducit ad quatuor capita. Primum est, Christiana charitas, quæ absentiam exigit ad iuvandam Ecclesiam particularem, vel ad dirimendam, tollendamque dissidia, & odia, ac pacem inter alios compонendam. Secundum est, virginis necessitas, nempe moibus, graue bellum, pessis, aeris intemperies, inimicitia, odium, & offensio populi vitanda, ac periculum mortis aut seruitatis evadendum. Tertium est, debita obedientia, id est, ob præceptum Papæ, vel legati, vel Episcopi. Quartum, euidentis Ecclesie, vel reipub. necessitas, ut profectio ad Concilium sive generale, sive prouinciale, sive synodale, suscepit alicuius muneris magni momenti in reipub. vel regia curia, ad quod benegendum nullus alius suppetit.

*Alia notanda circa propositam obligacionem.*

**N**ota tertio Concil. Trident. sess. 23 cap. primo Episcopis facultatem non residendi concedere ad duos menes, vel summum ad tres, per spatium sive interruptum, sive continuum: cum hac tamen conditione, ut id ex causa & qua-

fiat, quod relinquitur ipsius conscientie, & absque ullo gregis detimento. Ultra quod tempus ex eodem Concilio ibidem, si oporteat Episcopos abesse ob aliquam causam ex prememoratis, ea debet approbari a Papa, vel a Metropolitanu, vel eo absente, ab antiquiore suffraganeo: qui ipsius quoque Metropolitanu absentiam approbare debebit, nisi cum absentia incidenter propter aliquid munus, & reipublica officium Episcopatus adiunctum: cuius, quoniam cause sunt notoria, & interdum repentina, nec eas quidem significare Metropolitanu necesse erit. Quae verba sunt Concili.

Reliquis autem inferioribus, curam animalium habentibus, idem Concil. absentiam permittit ad duos menses. Ad quam absentiam quamvis Nauar. in E. chir. cap. 25. num. 121. potest non requiri licentiam Ordinarij, sed sufficere iustam causam: contrarium tamen satis aperte indicari videtur per illa verba eiusdem Concilij. Quandocumque eos, causa prius per Episcopum cognita & probata abesse contigerit, vicarium idoneum, ab ipso Ordinario approbadum cum debita mercede assignatione relinquant. Discedunt autem licentiam, in scriptis, gratisque concedendam, ultra bimelle tempus nisi ex gravi causa, non obtineant hancibi.

Verumtamen negandum non videtur, quin si ad breue solum tempus debeat Parochus abesse, non teneatur pro licentia ad Episcopum recurrere, iuxta illud quod ex Hostieni, Ioanne Andrea, & Panormi, habet Selua, in supra citata quæst. 6. casu 13. beneficiatum se absentem a suo beneficio per modicum tempus, ut infra tres septimanas, iuxta cap. Si quis in Clero. 7. quæst. prima excusari, licet non habeat licentiam a suo P. latolo. Pro quo facit quod Concil. Trident. in eodem cap. primo habet: eos qui aliquantisper tantum absunt, ex veterum canonum sententiâ non videantur absente, qui statim reverteri sunt. Idem etiam ex istimandum est, quando sub ita necessitas occurrit, quæ non patitur ad Praelatum pro licentia recurrere. Quæde reidem Selua in sequentia casu 14. ex Ioanne Andrea Panormi. & quibusdam aliis. Ratio vero est, quod ut dicitur, necessitas non habeat legem.

56. Nota quarto, legitime excusatum à residendo percipere perinde fructus suos ac si resideret, quod de absente, causa studio: um habetur ex cap. finali, De magistris, & ex cap. 2. De priuilegiis, in 6. Intelligence autem si moretur in aliqua Academia: ibique regula studiat, non autem si in villa, & castro vbi nullum, vel minus competens est studium, vel si vagetur, nec studiat: etiam si veretur in Academia florente, ex capitulo. Tua fraternitat, De clericis non residentibus. Atque si Theologia studiat, valere non potest statutum particularē Capituli, quo canonicus ratione studiorum absens, non percipit fructus sui beneficii: quia tale expresse contrarium iuri communī in meritorio cap. finali. Potest vero valere, si vacet alteri studio, etiam iuri canonici ex glossa ad citatum capitulo, 2. in fine declarationis casus literalis.

Idem quoque de absente propter infirmitatem qua detinetur, habetur ex cap. Praesentium, 7. quæst. prima, & ex cap. Ad audiendum, De clericis non residentibus, vbi videnda est glossa ad verbum, Infirmitas. Idem adhuc de eo cum quo dispensatum est ad habenda duo, vel plura beneficiaria residentiam requirent: consequtenter enim dispensatum est, vt non residens in uno, vel pluribus, seruat illis per substitutos. Pro quo facit glossa ad cap. Quia in tantum verbo Plures. De præbendis. Et ratio satis aperta est. Nam cum idem non possit in pluribus locis simul residere per se: nec nisi residens possit beneficiorum fructus percipere, inutilis esset gratia dispensationis, si non posset aliquem substituire, qui suas vicessuppleret. Vnde hoc ipso quod dispensatum est in pluralitate beneficiorum residentiam requirent, concordum est substitutum in aliquo, aut aliquibus corum constueri: iuxta illud in lege 2. ff. De iurisdictione. Cui iuridictio data est, ea quoque concessa esse videntur, sine quibus iuridictio explicari non potuit. De ceteris, qui iustas absentias sua causas habuerunt, quod pari ratione possint fructus suorum beneficiorum percipere, nihil est cur negatur.

57. Nota quinto cum Nauar. in cit. num. 121. dispensationem id non residentum, semper intelligi cum clausula, quod

dispensatus teneatur per substitutum seruire sua Ecclesie. Nec enim ex quom est eam priuari seruitio pro quo tribuit stipendia. Cæterum dispensationem non refidit etiam ad tempus, solus Papa potest dare Episcopo: solus item, potest dare aliis non residendi in perpetuum. Ordinarius vero parochis ad tempus dare potest, cum iusta causa expofit, cap. Licet canon. §. finali, De electione in 6. vbi glossa per Ordinarium intelligit, tum Episcopum, tum Episcopo superiore, tum etiam eodem inferiorem Praelatum. Quod idem legato Papa tribuit Selua, De beneficio, 4. part. quæst. 10. & sequitur Azor in 2. part. mo: al. infit. lib. 7. in priore parte capitulo quint.

Nota postremo per Concil. Trident. sess. 6. cap. 1. De reformatione, Episcopos & alios superiores, si sex mensibus continuis sine iusta causa extra suam diocesim morando absfuerint, ipso iure priuari quarta parte fructuum viuis anni, applicandorum fabricæ Ecclesie, vel pauperibus, & sess. 23. capit. item 1. De reform. pecuniam augendo statuit eodem præter peccati mortaliter reatum quem incurrit, pro rata temporis absfentia ipsorum, non facere fructus suos, tenetique perceptos restituere fabricæ Ecclesie, vel pauperibus, ita ut illos tutâ conscientia retinere non possint: ne quidem expectata Iudicis declaratione, vel quacumque conventione, seu compositione, quæ appellatur pro fructibus male perceptis, ex qua in totum, aut pro parte tales fructus remitterentur.

Quæ candem pecuniam idem Concil. ibidem extendit ad quoscumque alios habentes beneficium aliquod cum animalium cura, quando similiter absfuerint. Pertinet autem, non modo ad eos qui iure tituli, sed etiam ad eos, qui iure commendationis, aut administrationis perpetuæ, beneficium eius generis habent, constat ex bullâ P. quarti, quæ incipit. In suprema, & circumferuntur concil. Trid. Ex qua etiam habetur, prout in r. t. Azor in cit. lib. cap. 4. quæst. 2. pertinere ad eos qui exteriorē habent tantum animalium curam: quia numerum, iuxta cap. Dudit 2. De electione §. finali possint visitare, corriger, excommunicare, suspendere, & interdicere circa curam administrandi sacramenta. Pro quo facit quod talis quoque cura requirat ipsorum praesentiam in Ecclesia, in qua eam quis gerere debet: sicut cura gubernandi nauem, aut prouinciam, vel ciuitatem, aut familiam requirit praesentiam eius cui illa est commissa. Adhuc in eodem Concil. sess. 24. capit. 12. De iis qui obtinent dignitates, canonicatus, præbendas, vel portiones in cathedralibus, vel collegiis Ecclesiæ, statuit: vt si absit ultra sex menses in anno, aut etiam tempus aliud minus eo, quod fuerum Ecclesiæ constitutiones requirunt: primo anno pruentur dimidia parte fructu: siue perfuerint in eadē negligientia, pruentur omnibus fructibus, & crescente contumacia procedatur contra eos iuxta sacrorum canonum decreta.

Ex quibus verbis non colligitur, tales ipso facte priuari fructibus beneficiorum suorum, sed per Iudicis sententiam. Neque antiquos canones repugnare, videat licet apud Azozium in eod. libr. 7. cap. 6. quæst. 6. Vnde licet inferre: tales peccare quidem mortaliter non residendo sine iusta causa: non tamen percipiendo fructus beneficiorum, si eos non consumant malo modo: sed tanquam pauperes ad subveniendum nec cessant sua. Nam esti sint indigni, non sunt tam ipso iure, aut per sententiam Iudicis priuati: sed in eis percipiendis ab Ecclesiæ tolerari pro materna pietate: que nec exigit restitucionem ab alijs, quos priuati ipso iure, quando nihil habent, nisi ab ipsi: et illis suppedatum: i. hisque ad vitam necessarium: aut certe quando fructus percepti, consumpti sunt ab illis bono modo: sive prout solet a bonis Clericis. Quæ est doctrina Angeli, Clericus, 7. num. 4. & Sylvestri, in verb. resid. nta quæst. sexta.

Hic quæ potest an sat is beneficium residere: nec requiratur vt ipse per se ministerium suum exequatur. De quare Couarr. lib. 3. varia. resolut. cap. 13. n. tertio, referit duas opiniones: ita probans illam, qua statuit ad obtinendos beneficiorum reditus non sufficere beneficiorum residentium: sed adhuc requiri vt ipsemet seruat Ecclesiæ exercitio officia Ecclesiastica. Ita inquam probans ut minime damnandam putet contraria: nempe beneficiorum sui beneficiorum fructus possint percipere, si alioqui præfens, omni conatu, & studio curat

ut Ecclesiastica officia per substitutum idoneum diligenter & absque ullo periculo offensionis Dei, vel proximi siant: dummodo ipse per seipsum faciat quae propriam ipsius industria requirunt: nam sic in nullo fraudat oves propria, praesentia, & industria, nec debito obsequio, ob quod ab illo stipendum accipit.

## C A P V T VI.

## De obligatione non alienandi res Ecclesie.

## S V M M A R I V M.

- 61 Quid nomine Ecclesie, quidque alienandi verbo hic intelligatur.  
 62 Cuius sit dominium bonorum Ecclesie.  
 63 Quia auctoritate alienari possint bona Ecclesie.  
 64 Quia forma ex iure prescripto sit in eadem alienatione servata.  
 65 Ad validatem alienationis rerum Ecclesiasticarum praeter observationem formae a iure prescripte, requiriatur iusta causa.  
 66 Quatuor casus in quibus permitta est rerum Ecclesiasticarum alienatio.  
 67 Quando res Ecclesiastica possint valide alienari non seruata solemnitate prescripta a iure.  
 68 Quomodo accipientem sit iuramentum praeditum a Prelatis factum Papae de non alienandis rebus sua Ecclesie.  
 69 Pena alienationis bona suarum Ecclesiarum.  
 70 Casus in quibus excusat a mortali, non seruans praedictam iuris formam.  
 71 Refutatio brevis ad quedam dubia.  
 72 Dubium de locatione fractuum rei Ecclesiastice, an fieri possit ad longum tempus.  
 73 Aliud, An succedens in beneficio teneatur soluere debet a praecessoribus.

## S E C T I O I .

Primum documentum, his ita praenotatis sit. Praelatos Ecclesiarum posse quidem bona Ecclesia alienare in certis casibus seruata forma, seu solemnitate in iure prescripta, non tam auctoritate propria, tanquam dominos, sed tanquam administratores constitutos auctoritate communis, que iure gentium ab hac in illis transfertur. Quia enim difficile fuit in singulis casibus totam communitatem ad rationem alienationem conuenire, & consensum prabere ( sicut alioquin deberet, cum quod ad omnes pertinet, omnium consensu fieri debeat ) communis iure gentium fit, ut tota ea communis auctoritas transferatur in Praelatos tanquam illius gubernatores, & maxime in Papam, qui iure diuino in persona D. Petri Ioan. 21. constitutus est pastor vniuersalis Ecclesie Catholicae, & consequenter habet omnium Ecclesiarum curam & administrationem. Ratione cuius cura; tanquam vniuersalis administrator, prescribere potest formam qua bona Ecclesiarum sunt alienanda a Prelatis inferioribus, similiiter potest propter bonum commune, es unius Ecclesie commutare cum rebus alterius. Immo & vnam alteri vnit.

Secundum documentum sit. Formam ex iure prescripto in proposita alienatione seruandam, esse hanc, ut in alienatione rei Ecclesiastice Cathedralis, interuenire debeat consensus Episcopi, & Capituli sui, ex cap. 5. in exceptione, 12. quæst. 2. id que probat tractatu ut ibidem dicitur, id est, præmissa discussione vtrum magis expedit alienare vnam rem quam aliam, aut vtrum subueniri possit præsenti necessitate sine tali alienatione. Idem habetur etiam ex aliis iuribus, vt ex cap. 1. cap. Cum Apostolica, & cap. Tu. 2. De iis qui sunt à Praelato, & ex ca. 1. De rebus Ecclesie non alienandis in 6. Videndum Molina in citato tract. 2. dispu. 468. concl 4.

In alienatione autem rerum Ecclesiastice Abbatialis, seu collegiate requiri Abbatis, seu Praelati conensem cum Episcopi consensu, & subscriptione, iuxta cap. Abbatibus, 12. quæst. 2. Quodquidem Nauar in tract. De alienatione rerum Ecclesie anno 7. annotans, addit conensem illum Episcopi non requiri, cum Abbas, vel alius Praelatus fuerit exemptus ab ipsius iurisdictione, ex glossa ad Clem. 1. De reb. Eccles. non alienandis, verbo Propri. Requiritur autem consensus Papæ, iuxta eandem glossam de quo indicandum est secundum privilegium ab ipso data in exemptione.

In alienatione denique rerum Ecclesiastice inferioris Cathedralis, iuxta cap. Placuit, 12. quæst. 2. si eas fiat per Episcopum, requiritur consensus capituli Ecclesiastice Cathedralis, sive per illu. Ecclesiastice Rectorem, Praepositum yel illas; habeat proprium collegium, necessarius est tractatus eiusdem. Rectoris cum eodem collegio, ac mutuo, veriusque consensus eius consenserit, & auctoritate Episcopi: non autem consensus capituli Ecclesiastice Cathedralis. Sin talis Ecclesia carcer Ecclesiastico collegio, sola Recto alienare poterit cu auctoritate.